

Tētaata toa, e ere te Tavana e te haava, o tei hanaaro i te hoe hohoa o tei enei vea, auiau mai ia e 4 farane no na avae eloru.

Paaau mai ia Tepito te nei parau i Papeete.

TE VEA NO TAHITI.

Ei haaparare raa i te parau rii api e faufaa hia i to

te mau fenua i roto i te Ilau Tamaru; e nei i te mau mahana maha toa.

O te fenua hoo taon, e te mau taata e haapao i te fenua raa taon, e tia ia ia nei nei atoa hia ta ratiou mau parau faate i roto i tei enei Vea, ia auiau mai ratou 4 farane no te rei hoo.

Paaau mai ia Tepito te nei parau.

PAEAU PARAU NO TE HAU.

Haaputuputu raa i te mau Toohitu.

Mai te au i te irava 6, o te ture XXXI, o te pue raa ture tahiti nei.

E haaputuputu mai te mau Toohitu i Papeete nei, i te mahana 12 o tei enei avae, i te hora 11 i te poipoi, i roto a i te vahi e malaro hia e ratou i te haaputuputu ra, e ei reira haamata i i ta ratou ohipa no te matahiti 1853.

Papeete, 3 Januare 1853.

Te Tavana, te Auvaha o te Repupirita,

Papahia : PAGE.

FAATOROA RAA.

No te faatia raa a tona hanahana, te Arii vahine o te mau fenua Totaiete, e te Tavana, te Auvaha o te Repupirita.

Ua faatoroa hia o FAANI, ei mutoi no Atimaoon, ei mono ia HAEREOTANI, o tei faarirohia a nei ei Toohitu.

E auiau te Tavana, te Auvaha o te Repupirita, na tei enei taata toroa, i na farane 120, i te matahiti hoe.

Papeete, 1 no Ianuari 1853.

Te Arii vahine o te mau fenua Totaiete,

Te Tavana, te Auvaha o te Repupirita,

Papahia : POMARE.

Papahia : PAGE.

Papahia te hohoa i te fare toroa o te eē,

Te eē o te Tavana,

Papahia : BAIOT.

PARAU FAAITE

Ua pohe roa o TETOOFA, Tavana no Paca, i te mahana 2 no Ianuari 1853.

Te parau no ALI BABA e na eia e maha ahuru.

Iriti hia mal no roto i te mau aamu Arabia, i parau hia e, o NA PO TAUATINI E MA HOO.

Haamata hia i te Vea no te mahana 16 no Ditema 1852.

Peapea roa aera te manao o taua vahine a Casima ra, (oia hoi te tuaana o Ali Baba) i te hio raa e, aita tana tane i tae mai, e inaha, ua po roa. Haere atura oia ia Ali Baba ra ma te autahahi, e ua parau atura iana e : « E tau taoete e; e mahere e, ua ite papu oe i te tere i haere ai

to tuaana i te aru i nauanei; aita ra hoi oia i hoi noa mai, e i naba ua po. Te manao nei ra vati e, ua roohia oia i te ati.

Ua manao noa na hoi a Ali Baba, e e riro a tona tuaana i te haere i tana ana ra i tei reira mahana, e no reira hoi oia iho i ore i haere atoa i, ia ore hoi tona tuaana ia manao ino mai iana. Aita roa tura ra o Ali Baba i tahitohito noa i tu i taua vahine a te tuaana ra; ua parau noa tura ra iana e : « Eiaha e peapea, e mahere tei te pae oire aera to tane te tiai raa mai, e ia huru tui roa te po, e haere mai ai oia i roto i te oire nei, a itea noa hia iho hoi oia e te taata. »

Na reira toa tura hoi te manao o taua vahine a Casima ra, e hoi atura oia i te utuafare, ia tiai noa ra hoi oia e tui noa aera te po, e aita roa tu te tane i tae noa mai, rahi roa tura tona peapea; e ua faahapa oia iana iho; no te mea, o oia iho a te tumu i haere ai te tane i taua ana vai raa moni ra. Tona noaito a ia oto noa raa, e ao maite aera te rui.

I te poipoi roa, hoi faahou atura oia i te fare o Ali Baba, e ia faaite mai oia i tana parau; tia roa aera o Ali Baba i nia; parau atura i taua vahine ra, e eiaha e faarahi roa i tona oto; e reva atura oia i te aru, ma te aratai i taua na atini atoa e toru nana ra. Maere noa tura ra oia i te haere noa raa na nia i te ea, i tona farerei ore raa i tona tuaana, e tana tau atini; ia tae ra hoi oia i te pae uputa o taua ana ra, e ia hio i te toto i te vai haere noa raa i reira, tupu maira tona manao, e ua pohe mau a tona tuaana. Faafatata roa tura oia i te uputa, faahiti aera i na parau, mahiti maira te uputa, e i reira tura tona ite raa ma te riarua e te oto i te tino o tona tuaana, ua tapupu hia, e maha tuhā, e ua faatautau hia i nia. Aita roa tura oia i haamanoa noa e i te hamani ino o tona tuaana iana, rave maira ra oia i na pute i itea iana i roto i taua ana ra, ua tuu atura i te tino o tona tuaana i roto, e ua faauta i nia i tetahiatini, o te tetahi tau atini ra, ua tuu ia oia i te pute rarahi moni i nia iho, e ua tuu hoi i te vahie na nia roa iho, mai tei mutaiho; e ia oti roa tei reira, faaue atura oia i te uputa e ia piri faahou, e ua hoi atura i te oire. Ia i te fatata ra hoi oia i te oire, tiai atura oia, e ia po i roa, a tomo atu ai i roto. Ia tae ra oia i tona ite fare, o na atini anae ia i faauta hia i te moni tei a atai hia e ana i roto, e ia faaue oia i tana vahine e e afai i te moni e huna, e ia faaite atoa tu hoi i te huru o te pohe raa o tona tuaana; aratai atura oia i tetahi atini i te fare o taua tuaana nona i pohe ra.

E ia tae oia i reira, patoto atura oia i te uputa, e ua haere maira o Moziana, tehoe tavini vahine iti paari rahi, e ua iriti maira i te uputa; e poiti iti paari taua tavini iti ra, i te imi raa i te mau

mea paari atoa. Aratai atura Ali Baba i te atiri i roto, e ua rave mairi i na pute i niaho, tei reira te tino o tana tuaana te vai raa, e ua tuu i raro; e ua parau atura oia i taua tavini iti vahine ra : « E Moziana, o te vahi matamua e titau hia 'tu e au ia oe na, o te mamu noa ia, eiaha roa 'tu e tai haere; o te ravea noa iho hoi ia e ore e ino ai to fatu vahine, e o vau atoa nei hoi. O teie hoi i roto i na pute nei, o te tino ia o to fatu tane; i teienei ra, e tamata tatou i te tanu rii maitai noa iana, ia manao te taata'toa e, e pohe mai tona, e ere te mea taparahi hia. I teienei ra, a tii i to fatu vahine, e a faaroo maitai atoa mai oe i ta' u parau iana.

Tii atura Moziana i te fatu vahine, e ua tomo atoa 'tura hoi o Ali Baba i roto i te fare. Ua parau maira te vahine a Casima iana ma te rurutaina rahi : abiri na ra, e tau taoete, eaha ta oe parau rii i ite ae i tau tane? Te manao nei ra vau e, ua pohe mau a oia, te huru ino atoa na hoi to oe na mata.

Parau atura Ali Baba : eiaha roa 'tu oe e hitimaue, e faaroo maitai atoa mai hoi oe, i tau nei parau, no te mea, o te ravea ia e ore ai taua e peapea faahou ai a muri ae.

Parau maira te vahine a Casima : ite roa 'tura vau e, ua pohe roa mau a ta' u tane. Ua ite atoa ra hoi au e, eiaha tona pohe raa ia itea e maitai ai; i teienei ra, a parau mai, te faaroo maitai atu nei au.

544
Faaite maite atura Ah Baba iana i te huru o tona tere, e ta'e noa 'tura i te itea raa hia o te tino o Casima; e ua parau atoa 'tura hoi oia e : inaha, te rahi raa o to taua nei ati, o oe i to tane i pohe, e o vau nei hoi i te pohe raa o taua tuaana. I teienei ra, teie ta' u parau, e taoto atoa vau ia oe ei vahine na' u, ei reira hoi ia ta taua mau taoa e nanea maitai ai, eita' tau vahine e pohe ha'e noa' e. I tia ia oe tei reira ra, e tamata ia tatou i te huna i te pohe raa o to tane, ia manao hia hoi e, e pohe mai tona: te manao nei ra vau e, e vaiho roa 'tu oe i tei reira i roto i te rima o Maziana, e nau oia e tanturu maite.

Ei te. Vea no te tapati i mua nei te toe.

PARAU FAAITE.

Te faaite hia 'tu nei te mau tavana mataeinaa, e te mau orometua haapii raa i Tahiti atoa nei, e i te tapati i mua nei; e haamata 'i o M. Ferguson, oia hoi Maita, i tana ohipa i tuu hia 'tu e te Tavana, oia hoi te hiopoa haere raa e te ui raa i te mau haapii raa' toa i Tahiti nei.

Te e'e no te Tavana : BRIOT.